

Obxectivos: coñecer os procedementos en materia de xestión económica e orzamentaria da Comunidade Autónoma de Galicia e, especialmente, no Servizo Galego de Saúde.

Contidos: o orzamento da Administración pública, especialmente o Servizo Galego de Saúde. A xestión económico-orzamentaria. Modificacións de crédito. Fases de gasto. Contabilización. Control interno da xestión económica.

Código	Lugar de celebración	Datas	Horario
06-9274	Complexo Hospitalario Xeral Calde	19, 20, 21, 22 e 23 de xuño	16.30-20.30

IV. OPOSICIÓNS E CONCURSOS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Orde do 2 de xaneiro de 2006 pola que se resolve a convocatoria pública para a provisión, polo sistema de libre designación, dun posto de traballo vacante nesta consellería.

Convocada a provisión, polo sistema de libre designación, dun posto de traballo vacante na Escola Galega de Administración Pública, pola Orde do 21 de novembro de 2005 (DOG nº 231, do 1 de decembro), en uso das facultades e atribucións conferidas no artigo 15.4 da Lei 4/1988, do 26 de maio, da función pública de Galicia, modificada pola Lei 3/1995, do 10 de abril, e de conformidade co disposto no artigo 27.2º da referida lei, esta consellería dispón resolver a citada convocatoria de acordo cos seguintes puntos:

Primeiro.-Adxudicarlle destino no posto de traballo que se indica ao funcionario que se relaciona no anexo desta orde.

Segundo.-O cesamento no destino actual do funcionario que obtivo praza producírase no prazo de tres días, contados a partir do seguinte ao da data de publicación desta orde no *Diario Oficial de Galicia*.

O prazo para a toma de posesión do novo destino será de tres días a partir do seguinte ao do cesamento de tratarse da mesma localidade onde actualmente o funcionario preste servizos, ou dun mes se radica en distinta localidade, de conformidade co establecido no artigo 14 do Decreto 93/1991, do 20 de marzo, e co disposto na base sétima da convocatoria.

Terceiro.-A xefatura do centro en que cause baixa o funcionario, así como daquel no que obteña praza, consignará no título administrativo, dentro do prazo sinalado no punto anterior, as correspondentes dilixencias de cesamento e toma de posesión das que se dará traslado, mediante copia, á Dirección

Xeral da Función Pública e á Dirección Xeral de Calidade e Avaliación das Políticas Públicas.

Cuarto.-Contra esta orde, que esgota a vía administrativa, os interesados poderán interpoñer potestativamente recurso de reposición ante este mesmo órgano no prazo dun mes, contado a partir do día seguinte ao da súa publicación, de conformidade con establecido na Lei 30/1992, do 26 de novembro, de réxime xurídico das administracións públicas e do procedemento administrativo común, segundo a redacción dada pola Lei 4/1999, do 13 de xaneiro, ou poderán interpoñer recurso contencioso-administrativo ante o xulgado do contencioso-administrativo competente no prazo de dous meses contados a partir do día seguinte ao da súa publicación.

Santiago de Compostela, 2 de xaneiro de 2006.

José Luis Méndez Romeu
Conselleiro de Presidencia, Administracións
Públicas e Xustiza

ANEXO

NRP: 3278015968 A2060.

Grupo: A.

Apelidos e nome: Corrales Piquero, Javier.

Código do posto: PRA010000015770028.

Denominación do posto: secretario/a xeral.

Dependencia: Escola Galega de Administración Pública.

Localidade: Santiago de Compostela.

Nivel: 30.

V. ADMINISTRACIÓN DE XUSTIZA

XULGADO DE PRIMEIRA INSTANCIA E INSTRUCCIÓN NÚMERO UN DA ESTRADA

Edicto (340/2004).

No procedemento de referencia ditouse a resolución do teor literal seguinte que na súa parte necesaria di así:

«Sentenza:

Na Estrada o 21 de setembro de 2005.

Vistas por min, Enriqueta Sanmartín Carbón, xuíza substituta do Xulgado de Primeira Instancia e Instrución número un da Estrada e o seu partido xudicial, as presentes actuacións do proceso matrimonial de divorcio contencioso, seguidas ante este xulgado co número 340/2004, sendo partes como demandante Consuelo Campos Barcala, representada pola procuradora dos tribunais Cayetana Marín Couceiro e asistida polo letrado Luis Santiago Rey Otero e como demandado José Germán Martínez Ferro, en situación de rebeldía procesual.